



Inatsisartunut ilaasortaq Pele Broberg
/ MAANI

**Soraarnerussutisiaqarnissamut aaqqissuussinermut pinngitsoorani
ilaasussaataaneq pillugu § 37 naapertorlugu apeqqummut 041_2025-mut
akissut**

Allakkat ulluat: 22-05-2025
Suliaq nr. 2025 - 11029
Akt id. 25381902

Apeqqutitut matuma kingornani allassimasunut akissutit matumuuna nassiunneqarpoq.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

1. **Naalakkersuisut siulittaasuat partiiatalu pissaaneqalissatillutik qineqqusaarutaat ilutigalugu, qaqugu Naalakkersuisut pinngitsaaliissummik soraarnerussutisiaqartitsinermut katersisussaataaneq atorunnaarsinniarpaat?**
2. **Apeqqut 1 naapertorlugu pinngitsaaliissut atorunnaarsinniarneqanngipat, Naalakkersuisoqatigiit maanna atuuttut inissinniarnarat siunertaralugu anguniakkatut peerneqarsimaneranut Naalakkersuisut siulittaasuat, Naalakkersuisunik inissiisartutut isumaqatigiinniasimasutullu isumaqataava? Naalakkersuisut uunga naliliinermut isumaqataanngikkunik, pinngitsaalisamik soraarnerussutisiaqartitsinermut katersisussaataaneq atorunnaarsinniannginnerannut tunngavilersuummik nassuiaaqquneqarput.**

Akissut:

Apeqqutit ataatsimoortillugit akineqarput.

Ulloq 11. marts 2025-mi Inatsisartunut qinersisoqarpoq. Qinersinerup kingorna partiit sisamaasut Demokraatit, Inuit Ataqatigiit, Siumut aamma Atassut naalakkersuisoqatigiinnissamut ataatsimut isumaqatigiissuteqarput ima qulequtalimmik "Ataatsimoorfigaarput Kalaallit Nunaat toqqissisimanartoq kiffaanngissusilik siuariartortorlu". Naalakkersuisoqatigiinnissamut isumaqatigiissut taanna Naalakkersuisunit tamarmiusunit malinneqartussaavoq.

Naalakkersuisut taamaalillutik piffissami ukiuni sisamani qinigaaffiusumi naalakkersuisoqatigiinnissamut isumaqatigiissummi anguniakkamik piviusunngortitsinissaq sulissutigaa. Naalakkersuisut suliaasa inerneru nassuiaatini, siunnersuutini il.il. Naalakkersuisunit qinigaaffiup tamarmiusup ingerlanerani Inatsisartunut saqqummiunneqartussani takuneqarsinnaassapput.

Soraarnerussutisianut suliassa qarfimmu atattillugu naalakkersuisoqatigiinnissamut isumaqatigiissummi imaattumik allassimasoqarpoq:

"Soraarnerussutisiaqartitsinermik aaqqissuussineq

Naalakkersuisoqatigiit soraarnerussutisiaqartitsisarnermik aaqqissuussinermik aallartitsissapput. Aaqqissuusseqqinneq pisortat ingerlatsiviannik pisariinnerusumik eqaannerusumillu anguniagaqarnermut ikorfartuisuussaaq.

Soraarnerussutisiaqartitsisarnermik aaqqissuusseqqinneq, soraarnerussutisiaqartarnermi inatsimmik innuttaasunut paasiuminartumik, innuttaasullu kiffaanngissuseqarlutik toqqaasinnaaneranni pisortat attanneqarsinnaasumik aningaasaqarnermik pisariaqartitsinerannut oqimaaqatigiissitsisumik kinguneqassaaq.

Suleqatigiissitamik immikkut ilisimasalinnik inuttalimmik, ukiup ataatsip ingerlanerani soraarnerussutisiaqartitsisarnermik aaqqissuusseqqinnissamut kaammattuutunik tunniussisussamik pilersitsisoqassaaq. Kaammattuutit 2026-mi politikikkut isumaqatigiissutissamut toqqammaviussapput. Isumaqatigiissut qinigaaffiup naannginnerani inatsisinik pisariaqartunik atulersitsinermik kinguneqassaaq. Soraarnerussutisiaqartitsisarnermik aaqqissuusseqqinneq ataatsimut aningaasaqarnikkullu siunissamut isumannaakkamik soraarnerussutisiaqartitsisarnermik aaqqissuusseqqinnermik, ukiuni aggersuni utoqqaat amerlanerujussuanngornerannik sillimmartaarinnittumik pilersitsinermik kinguneqassaaq. Taamattaaq aaqqissuusseqqinneq Kalaallit Nunaanni Danmarkimilu tjenestemandit soraarnerussutisiaasa assigiinnginneri pillugit unammillernartitanut aaqqiissummik imaqassaaq. Tamatumalu saniatigut aaqqissuusseqqinnerup kikkut tamarmik nammineerlutik soraarnerussutisiassaminnik katersinissaannut erseqqissumik aningaasaqarnikkut pilerinarnerulersitsinermik qularnaarinnittuussaaq. Aaqqissuusseqqinnermut atatillugu Soraarnerussutisiaqarnissamut aaqqissuussinnermut pinngitsoorani ilaasussaatitaaneq nutarterneqassaaq."

Partiit naalakkersuisoqatigiinnissamut isumaqatigiissutaannit issuakkami siuliani allassimasumi takuneqarsinnaasutut, Naalakkersuisut soraarnerussutisiaqartitsisarnermik aaqqissuusseqqinnissamik taamaalillutik piareersaapput, tassani soraarnerussutisiaqalernissamut aaqqissuussinnermut peqataasussaatitaaneq aaqqissuusseqqinnerup tamarmiusup ilaatut ilaatinneqassalluni, taanna ilaatigut soraarnerussutisiaqartitseriaatsimi tamarmiusumi aningaasaqarnikkut inooqataanikkullu pissutsinik oqimaaqatigiissitsinnissamik siunertaqassalluni, tamatumani soraarnerussutisiaqalernissamut aaqqissuussinnermut peqataasussaatitaanerup saniatigut ilaatigut ilaatinneqarlutik tjenestemandit

soraarnerussutisiaat, suliffeqarnermi soraarnerussutisiat namminerlu
soraarnerussutisianut aaqqissuussinerit.

Suliamut annertunerusumik maannamut ilassutissaqanngilanga.

Inussiarnersumik inuulluaqqusillunga



Múte B. Egede